



СЭЛЭНГЭ АЙМГИЙН ЗАСАГ ДАРГЫН ЗАХИРАМЖ

2021 оны 10 сарын 01 өдөр

Дугаар A/292

Сүхбаатар сум

Г Хөтөлбөр хэрэгжүүлэх, аян
зохион байгуулах тухай


Г

Монгол Улсын Засаг захиргаа, нутаг дэвсгэрийн нэгж, түүний удирдлагын тухай хуулийн 29 дүгээр зүйлийн 29.1.6 “а”, 30 дугаар зүйлийн 30.1.9, Авлигын эсрэг хуулийн 5 дугаар зүйлийн 5.1.2, 6 дугаар зүйлийн 6.1.3, 6.1.12, Монгол Улсын Их Хурлын 2016 оны “Авлигатай тэмцэх үндэсний хөтөлбөр батлах тухай” 51 дүгээр тогтоол, аймгийн Засаг даргын 2021-2024 оны үйл ажиллагааны хөтөлбөрийн 4.2.3, 4.2.4 дахь зорилт, аймгийн иргэдийн Төлөөлөгчдийн Хурлын Тэргүүлэгчдийн 2017 оны 118 дугаар тогтооолоор батлагдсан “Авлига, ашиг сонирхлын зөрчлөөс урьдчилан сэргийлэх аймгийн хөтөлбөр”-ийн 2.4 дэх зорилтыг тус тус үндэслэн ЗАХИРАМЖЛАХ нь:

1.“Авлига, ашиг сонирхлын зөрчлөөс урьдчилан сэргийлэх аймгийн хөтөлбөр”-ийг хэрэгжүүлэх зорилго бүхий “Шударга-Удирдагч, Шударга-Төрийн албан хаагч” аяныг 2022 оны 01 дүгээр сарын 02-ны өдрөөс эхлэн жил бүр аймгийн хэмжээнд зохион байгуулсугай.

2.“Шударга-Удирдагч, Шударга-Төрийн албан хаагч” аяны удирдамжийг хавсралтаар баталсугай.

3.“Шударга-Удирдагч, Шударга-Төрийн албан хаагч” аяныг удирдамжийн дагуу жил бүр зохион байгуулж ажиллахыг нийт сум, агентлагийн дарга нарт, дүнг нэгтгэн танилцуулж, холбогдох арга хэмжээ авч ажиллахыг аймгийн Засаг даргын Тамгын газрын дарга /Ө.Сувдаа/-д даалгасугай.



Аймгийн Засаг даргын 2021 оны
10 сарын 01-ны өдрийн A/177 дугаар
захирамжийн хавсралт

“ШУДАРГА УДИРДАГЧ”, “ШУДАРГА ТӨРИЙН АЛБАН ХААГЧ” АЯНЫ УДИРДАМЖ

Нэг.Зорилго: Авлигатай тэмцэх үндэсний болон аймгийн хөтөлбөрийг хэрэгжүүлэх хүрээнд шударга ёсны үзэл санааг төлөвшүүлэн, олон нийтийг соён гэгээрүүлэх, төрийн үйлчилгээний ил тод байдлыг нэмэгдүүлэх, хяналт хариуцлагыг дээшлүүлэх, удирдах ажилтны авлигатай тэмцэх хүсэл эрмэлзлэлийг нэмэгдүүлэх, захирах захирагдах ёсны зарчмыг хэрэгжүүлэх, авлига, ашиг сонирхлын зөрчлөөс урьдчилан сэргийлэх, шалтгаан нөхцөлийг арилгуулах, ажлын үр дүнг дээшлүүлэхэд энэхүү аяны удирдамжийн зорилго оршино.

Зохион байгуулагч: Сэлэнгэ аймгийн Засаг даргын Тамгын газар.

Хэрэгжүүлэгч: Сумдын иргэдийн Төлөөлөгчдийн Хурал, Засаг дарга, Засаг даргын Тамгын газар, газар, хэлтэс, албад, төр, төсвийн байгууллагууд, Орон нутгийн өмчит, аж ахуйн тооцоот үйлдвэрийн газар, тэдгээрийн удирдлага, нийт төрийн албан хаагчид.

ХОЁР.Аяны хүрээнд хэрэгжүүлэх ажил, арга хэмжээ

-Авлигын эсрэг хууль тогтоомж, үндэсний болон аймгийн хөтөлбөрийг хэрэгжүүлэх, сурталчлах ажлыг жил бүр тусгайлан төлөвлөж зохион байгуулах;

-Аймгийн Засаг даргын 2021 оны “Мэдээллийн ил тод байдлыг хангах тухай” A/177 дугаар захирамжийн хэрэгжилтийг хангаж ажиллах;

-“Авлигаас урьдчилан сэргийлэх, соён гэгээрүүлэх” чиглэлээр цахимаар болон олон нийтэд хүртээмжтэй, оролцоог хангасан шударга ёсны нөлөөллийн ажлыг тогтмол зохион байгуулах;

-Удирдах ажилтны зүгээс авлигатай тэмцэх, урьдчилан сэргийлэх, соён гэгээрүүлэх 1-ээс доошгүй ажлыг шинээр санаачлан хийх;

-Авлигын эсрэг олон нийтийн ёс зүй, ухамсар сэтгэлгээг өөрчлөх сургалтыг төлөвлөгөөний дагуу зохион байгуулж, үр дүнг тооцох;

-Төрийн бүх шатны байгууллага, албан тушаалтнуудын үйл ажиллагаанд шударга, хариуцлагатай, ил тод, нээлттэй байдлыг бэхжүүлэх, төрийн албан хаагчдын авлигаас ангид байх хүсэл эрмэлзэл, санал санаачилгыг дэмжиж, сайн туршлагуудыг түгээн дэлгэрүүлэх;

-Төрийн байгууллага, түүний удирдлагын үйл ажиллагаанд төрийн бус байгууллага хяналт тавих боломжийг, төрийн зарим ажил үйлчилгээг төрийн бус байгууллагаар гүйцэтгүүлэх, санхүүжилтийг ил тод, үр ашигтай зарцуулах, түүнд хяналт тавих боломжийг хуулийн хүрээнд бүрдүүлэх;

-Байгууллагынхаа авлигын эсрэг үйл ажиллагааг сурталчилсан богино хэмжээний видео, шторк, гарын авлага гарган олон нийтэд хүргэх ажлыг зохион байгуулах;

-Сум, агентлагийн удирдлагууд “Авлига, ашиг сонирхлын болон санхүү, ёс зүйн зөрчилгүй ажиллах баталгаа”-ны хэрэгжилтийг ханган ажиллах;

ГУРАВ.Аяныг тайлагнах: Аяныг жил бүр 01 дүгээр сарын 2-ны өдрөөс 12 дугаар сарын 31-ний хугацаанд өрнүүлж, тайланг аймгийн Засаг даргын Тамгын газрын Хууль, эрх зүйн хэлтэст 6 дугаар сарын 05, 12 дугаар сарын 05-нд тус тус ирүүлж, тайлагнана.

Аяны үр дүнг тооцох, мэдээлэх: Шинийг санаачилсан, сайн туршлагуудыг түгээн дэлгэрүүлсэн, зөрчилгүй сум, байгууллага, удирдлага холбогдох төрийн албан хаагчийг шагнаж, урамшуулан, ашиг, сонирхлын зөрчил дутагдал гаргасан хуулийн хэрэгжилтийг хангалтгүй биелүүлсэн сум, байгууллагын удирдлага, холбогдох төрийн албан хаагчид хариуцлага тооцуулж, сум, агентлагийн жилийн ажлын үнэлгээнд оруулан тооцож, нийтэд мэдээлнэ.

ХУУЛЬ, ЭРХ ЗҮЙН ХЭЛТЭС